

Ո Ր Ո Շ ՈՒ Մ N 105/1
/վարչական տույժ նշանակելու մասին/

«12» մարտի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Սևանի Իշխան» ՓԲ ընկերության (<ՎՀՀ 02626882, հասցե՝ ք. Երևան, Ազատության պող. 27, պետական գրանցման համար՝ 286.120.808289) գլխավոր տնօրեն Ստեփան Մակարյանի (անձնագիր՝ AN 0632040, տրված 2013-08-27-ին 005-ի կողմից) նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«Սևանի Իշխան» ՓԲ ընկերության կողմից 01.02.2016թ. թիվ C-1724 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են տարբեր ապրանքներ: Նշված հայտարարագրի համաձայն ԱԱՀ-ի վճարումը հետաձգվել է մինչև 01.02.2019 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել:

ՀՀ ՊԵԿ Արարատյան մաքսատուն-վարչության ԳՀՀ թիվ 1 բաժնի ավագ մաքսային տեսուչի կողմից 25.02.2019 թվականին «Սևանի Իշխան» ՓԲ ընկերության գլխավոր տնօրեն Ստեփան Մակարյանի նկատմամբ կազմվել է վարչական իրավախախտումների վերաբերյալ արձանագրություն Վարչական իրավախախտումների վերաբերյալ ՀՀ օրենսգրքի 170.3-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 12.03.2019 թվականին, ժամը՝ 11:30-ին, որի անցկացման վայրի և ժամանակի մասին պատշաճ կարգով ծանուցվել է «Սևանի Իշխան» ՓԲ ընկերության գլխավոր տնօրեն Ստեփան Մակարյանը, սակայն չի ներկայացել:

Իրավահարաբերության պահին գործող «Ավելացված արժեքի հարկի մասին» ՀՀ օրենքի (ուժը կորցրել է 01.01.2018թ.) 6-րդ հոդվածի 4-րդ մասի համաձայն՝ ԱԱՀ-ով հարկվող գործարքներ (գործառնություններ) են համարվում՝ «Բաց թողնում՝ ներքին սպառման համար» մաքսային ընթացակարգով ապրանքների ներմուծումը, բացառությամբ օրենքով նախատեսված դեպքերի:

Նույն օրենքի 21-րդ հոդվածի համաձայն՝ Հայաստանի Հանրապետություն ապրանքների ներմուծման դեպքում (բացառությամբ ԵՏՄ անդամ պետություններից կատարվող ներմուծման դեպքերի) մաքսային մարմինների կողմից ԱԱՀ-ի հաշվարկումը և գանձումը հիմնավորվում է մաքսային ձևակերպման ժամանակ լրացվող մաքսային հայտարարագրերով և վճարային փաստաթղթերով (վճարման հանձնարարագիր, անդորրագիր կամ վճարումը հաստատող այլ փաստաթղթեր):

Նույն օրենքի 6.1-րդ հոդվածի 1-ին մասի համաձայն՝ Հայաստանի Հանրապետության կառավարության որոշմամբ ընտրված կազմակերպությունների և անհատ ձեռնարկատերերի կողմից ներդրումային ծրագրերի շրջանակներում, սույն հոդվածում նշված ապրանքներից բացի, այլ ապրանքների ներմուծման դեպքում սահմանված կարգով հաշվարկված ԱԱՀ-ի գումարների վճարման ժամկետը հետաձգվում է երեք տարի ժամկետով: Կազմակերպությունների և անհատ

ծեռնարկատերերի ընտրության կարգը սահմանում է Հայաստանի Հանրապետության կառավարությունը:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել խորհրդային օրենքները պահպանելու, սոցիալիստական համակեցության կանոնները հարգելու ոգով, ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

Նույն օրենսգրքի 170.3-րդ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելը՝ առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Այսպիսով, վարույթի նյութերով հիմնավորվում է, որ «Սևանի Իշխան» ՓԲ ընկերության կողմից ՀՀ ներմուծված բեռը հայտարարագրվել է 01.02.2016թ. թիվ C-1724 ապարանքների հայտարարագրով, որով առաջադրված ԱԱՀ-ի վճարումը հետաձգվել է մինչև 01.02.2019 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել, ինչով պայմանավորված ընկերության գլխավոր տնօրենի կողմից թույլ է տրվել Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված իրավախախտում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված վարչական իրավախախտում կատարելու համար «Սևանի Իշխան» ՓԲ ընկերության գլխավոր տնօրեն Ստեփան Մակարյանին ենթարկել վարչական պատասխանատվության՝ տուգանելով **20.000 ՀՀ դրամի** չափով:
2. Որոշման մասին օրենքով սահմանված կարգով իրազեկել «Սևանի Իշխան» ՓԲ ընկերության գլխավոր տնօրեն Ստեփան Մակարյանին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված փուլանքի վճարման հաշվեհամարներն են. **900005024055՝ գումարի 70% և 900013323010՝ գումարի 30% (ՀՀ պետական բյուջե, կենտրոնական գանձապետարան, Արարարյան մարտավուն-վարչություն, ԿՈԴ 27):**

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ

Կ. ԲԱԲԱՅԱՆ

